

王家營隄工隨筆

地 728
27
31~2

王 家 營 陽
工 隨 筆



中 華 民 國 十
二 年 五 月 十
日 發 行

王家營隄工隨筆叙

儒者之言曰仁義道德仁義道德者人心之眞如也而飲食男女之欲牽之習染血氣之用引之浸淫泛溢漸失其故聖人乃爲之禮教以隄防之經禮三百曲禮三千嚴謹繁重訖不可制至於宋儒幾乎一步一趨莫不有規矩繩墨而生人之道益苦而潰決之禍益烈今則滄海橫流頽波四起禮教之大防且掃地無存矣蓋束之愈急則決之益猛釋迦氏悟夫一切有爲法之不可以常存也求之人心之眞如使其光明瑩澈之體寂然不動湛然常明無所謂仁義道德之名則何所容禮教之防哉

王家營隄工隨筆

叙

武昌正信印務館代印

夫水則亦若是焉已水之性非能潰隄者也其無始之初爲氣爲霧凝而爲雨集而爲泉靜止澄清不容一物忽而土污之山束之石激之風擾之衆流混濁奔騰澎湃遂爲天下患人且欲以隄制之甚且與水爭而求其必勝其不至如今日之人心者幾希或曰夫子之於王家營隄工毋亦一有爲法耶曰然然而佛之說不可以執佛法者因衆生而有者也衆生不能一日無爲卽佛法不能一日不有爲欲衆生隨順法性佛卽不能不順衆生之性且吾日處氣化之中決不能離有爲法以自高尚其爲堤也爲衆生爲之也惟是不逆其性不泥於法其成也誰爲

爲之孰令致之吾無容心焉耳隄成之日爲石亭於磯上題其
柱曰一彎月有空明性萬頃波無生滅心是有爲法也而企於
無爲矣適友人索余所著王家營隄工隨筆付梓謂是可爲修
隄法余卽書此以與之俾弁於簡端黃岡李開侁自叙

王家營隄工隨筆

叙

二

王家營隄工隨筆叙

河防江防世有傳書經世大儒之著述名公鉅卿之奏議嘗得而讀之矣漢防之書無聞焉古者神禹治水雲土之夢作乂蓋漢水東注內方以下播爲九口分流入滙入瀾以會於江漢無水患故也有之則自明季始嘉靖以藩邸入繼大統承天之府獻陵在焉守陵者以風水爲言遂於陵前築堤至潛江凡二百八十里九口悉塞千里巨川一出於大別之麓自是而潰決之患靡歲蔑有修堤之役亦間歲必興清之初年盛倡廢堤之說而九口故道變爲膏腴人民安土重遷議卒不行延至於茲仍

王家營隄工隨筆

叙

武昌正信印務館代印

從事於補葺罅漏之計誰生厲階至今爲梗夫一堤之潰數十縣人命以千萬計國家賦入以百萬計修築之費又以萬千計此豈故之小者而四百年來無有言及者何也習其事者類多不學無文心知矣而不能言卽言矣而不能盡文學之士能言矣而又苦於不知卽偶有所知亦擇焉而不精語焉而不詳是以其文終不傳辛酉之冬鴻謨從役王家營實司筆札之事頗欲考求工程之要而局於所司未窺全體及讀

督辦所著隨筆自籌備以訖竣工首尾畢具大而規劃全局細則析及秋毫舉凡施工之先後次第及其作法皆有線索可尋

並舉數百年之積弊無不發其覆而釐剔之而防閑之後有作者得是篇而讀之則漢防之法胥是道也

督辦息影塵世數年於茲究心佛理不問人事世或以爲將舉一切而空之夫烏知夫實事求是以漸達於普濟衆生之旨乃佛之真相耶空云乎哉壬戌冬王家營隄工督修處文牘主任陳鴻謨謹叙

王家營隄工隨筆

叙

二

武昌正信印務館代印

王家營隄工隨筆卷上

李廷祿 少穀

黃岡 萬耀藻 荇湄 仝校

黃岡李開侁隱塵甫著

任嗣黃 子純

黃安 陳鴻謨 文仙 校刊

民國十年十一月一日始受督辦湖北工賑事宜任

是歲夏歷九月間余與陳元白居士寓京師東華門外箭廠胡同夏仲膺居士間壁逐日晨間八鐘至西城廣濟寺聽太虛法師講妙法蓮華經約兩小時午後一鐘余爲同學諸子

王家營隄工隨筆

卷上

武昌正信印務館代印

覆講亦兩小時下午五鐘在本寓聽遠參法師講梵網經亦兩小時暇與諸子推論禪理教學相長各有心得頗自適也忽接湖北軍省兩長來函請回鄂督辦全省賑務余以賑務爲慈善事雖恐妨害聽經亦不忍峻拒因覆函詰以三難畧謂余方聽經講經歸期較遲恐不能待又湖北原有水災籌賑處無庸設立督辦又賑款必有確定數云云旋得覆均易解決余仍日從事於聽經講經不欲卽歸又越十餘日己夏歷九月杪也忽接兩長來函請督辦湖北工賑事宜並聲明已電請

大總統特派而致余函中則尤注重於王家營一隅催促速歸余以不知工程電辭得覆謂熟諳工程此間頗不乏人但請主持一切等語余再電辭兩長又懇切電約爲民請命余始允歸受事

三日由北京赴車南下

臨行時口號別同學諸子云我做隄工你聽經看來喧靜太相爭眼前對境都虛妄一句彌陀才是真又云你在京師我武昌暫時離別也堪傷本然清淨原周徧一句彌陀是一堂

四日抵漢口

王家營隄工隨筆

卷上

二

武昌正信印務館代印

先是孫君自平奉委往王家營查勘潰口聞兩長將請余承乏其事飛函告以種種難辦勸余勿歸孫君文樓來京學習密宗亦極阻余行兩君皆學佛有得不欲余以身之察察受物之汶汶而余以黃岡沿江隄歲久失修余家廬墓日在水鄉以蕭君珩珊督鄂必能注意鄉災余果督辦全省工賑亦可稍爲故鄉盡力且此舉純係慈善亦無妨於佛理故毅然歸矣

五日始籌議修築王家營潰口

督辦全省工賑事務甚繁範圍亦極廣但本年王家營潰隄

鍾京潛天等十一縣災情極重兩長電函及災民代表均注重於此故以是役爲先務連日與兩長接洽劉省長擬先撥錢二百萬串文蕭督軍則謂二百萬串仍恐不敷總宜寬籌蓋因委員等估勘工程實係二百一十八萬串文劉省長斥其過多遂減爲一百八十萬兩長皆極知其不足故面言如此查八年所修隄工約一百二十萬串爾時米價每石不過七八串今年米價倍之而有餘矣窮民工價貴賤以米價爲標準卽工程一切用款亦應加倍况潰口隄身均加四百餘丈故委員屈德澤孫國安等既稟明一百八十萬串而又續稟聲明必不敷用應隨時酌量請益云

王家營隄工隨筆

卷上

三

武昌正信印務館代印

七日往訪蔡君希聖

卽漢卿

蔡君久嫻隄工曾函催余速歸任事相見頗承告以修隄種種之需要並囑余筵請災區省議員及災民來省代表磋商辦法皆扼要之論是日晨起得句云來往人如鯽佛龕自列經擔當從地獄教化起家庭園菊夜彌淡階苔冬尙青侵晨一盥洗清氣入空冷

八日決議以李澍爲工程主任

李澍號潛生

連日召集李濡生徐立勳諸君討論工程之事李徐二君皆

水利局局長屈春波所荐余意工程主任不出此二人而徐君係湖南人久官湖北隄工極有經驗而稍有官場習氣李君深穩不多言聞此次屈孫二君驗查估勘皆倚重李君估冊亦出其手李君又出其民國二年在沙洋築堤經過日記條理井然遂決定以李君爲工程主任李少穀實贊成之是日得句云回首東華路菩提樹滿栽渴飢猶始願輔翊得多材日暖竹爭筍霜深菜湧臺黃昏怕加飯遍地正鴻哀九日函請兩長聘蔡漢卿爲王家營隄工督修

時湖北財政困難已達極點此事事前亦無籌劃連日向財

王家營隄工隨筆

卷上

四

武昌正信印務館代印

政廳官錢局取款均不應手余以此事如專望官廳撥款誠如割餅充飢莫如由兩長覓一股富巨紳以私人力量借墊俟公家收入稍裕再行撥還蔡中將在鄂紳商各界信用素著工程又所嫻習故有是請兩長允焉蔡君亦於翌日在督署面允承乏其事

十一日赴蘄水爲湯濟武會葬

是夜買舟南下舟中得句云欸乃一舟江直下四邊蒼氣入空濛當頭寒月明如許白潯家山縹緲中 滾滾黃塵入夢柯偶然清醒也無多輕舟一放閑如許更勝深山念佛陀此

時已將王家營隄工重擔放下愉快異常此詩亦流露於不覺也

十二日會葬畢舟泊黃州宿於赤壁

先是赤壁古蹟年久失修余爲募資重葺至是修理甫畢樓閣俯江風月清美同人均流連不忍去

十三日抵漢口

是日湯鑄新將軍乘輪駛至黃州余遂過湯輪經陽邏登岸同看吳家田村後陰地旋復登舟晚十一鐘抵漢宿於商場建築督辦署晤政務廳長鄧君振甫交官錢局錢摺一具謂王家營隄工隨筆

卷上

五

武昌正信印務館代印

蔡希聖數日不見固辭王家營督修不就現省長飭將此摺送上求仍舊兼辦此摺登數二十萬串文余雖受之而未允也

十四日始允以湖北工賑督辦兼督修王家營隄工

是日晨刻渡江至武昌謁省長省長始出蔡君辭函約謂時光已過此堤決不能修余頗疑之當與省長同往督署會商均不欲再任他人余素性豪遂決意由余擇一妥適坐辦担任此事余則自任監督不復辭

十五日繼續籌備王家營隄工事宜

自本日以後準備遴員採買隄工一切需要物料預約以二十日籌備完竣是日由財政廳魏君聯芳送漢口泰興銀行錢摺一扣登數六十萬串文

十七日組織湖北工賑督辦署成立

分函兩長借自治籌備處爲辦公之所以節經費委定各科員司刻刊關防通行啟用聘屈君春波孫君自平爲王家營隄工監察分委工程庶務會計主任以擔負籌備隄工各事務

十八日召集會議委員先赴工次

王家營隄工隨筆

卷上

六

武昌正信印務館代印

由余宣言未赴工以前在省籌備期間一切事宜均須通力合作緣此次工程浩大時期迫促經濟尤復困難惟有矢以血忱持以定力與諸君子交相勉勵以期於成而已衆議翕然隨委任君子純張君小波帶領司役卽日赴工次搭蓋棚屋預備各員司辦公處所並函水警何廳長通飭沿途水警保護運送赴工員司及物料各船隻

十九日決議設立工程評議員

是日余邀災區天門潛江鍾祥京山各縣省議員李愚鄧爲霖吳雲祥陳懋夔陳憲南張雲龍易均寶鄭有謨劉德剛等

九人並災民代表許光熊李培鑾李澤劉沛元朱子魁蕭俠
吾高卓漢等在本署午餐席中皆述及災區情況余爲惻然
旋提議每縣公推熟悉工程一人到工幫助定名爲評議員
卽組織一評議會常川駐工開會討論利害以資臂助全體
一致贊成

二十日吳巡閱使派輸送隊五千名赴王家營助工

督署派劉副官來寓出吳巡閱使致督軍電並督軍覆電約
謂現派輸送隊五千人赴王家營助工督軍已函允照辦並
謂奉督軍諭飭特來報告請與接洽一切云時災區省議員
及災民代表一聞其事羣相驚怖面面相覷深恐將來到工
與民夫滋事又不免分潤賑款懇求設法阻止

二十一日派員分途購買物料

汪榮杜宗預赴漢口買水泥麻袋麻線繩索鐵器汽燈及定
製竹籤等類萬耀煌赴解州買蘆席李永幹赴漢川買掃柴
即蘆張濟民赴新堤買筴箕李澤赴鍾祥買石塊石灰等類

陳鴻謨赴鸚鵡洲買杉木南竹板片等類以上諸物均由工
程主任就原估冊內詳加考覈開列實數委員照辦就中尤
以木料爲大宗陳君鴻謨熟於木商情形所購木料運到工

時見者無不稱許陳君撰有採辦木料記頗詳細附錄于左以備後之從事隄工者有所考焉

附陳鴻謨採辦椿木記

曩常客鸚鵡洲頗考求木商情狀辛酉冬適有王家營隄工之役奉督辦命採辦椿木賤役也瑣事也一小吏治之足矣烏足道然物之不齊物之情也不察其情將比倍蓰十百千萬而同之必受商人之欺致物不適用而公帑亦耗凡物皆然木爲尤甚鸚鵡洲爲杉木麕集之地產地約分五路曰苗河貴州諸苗山所產之天然木也谷深林密

年久始代停勻而長直踈節而堅緻木色紅白如皮肉之含有血分者解之心如蘇木爲杉木最上品此木惟江西商帮販售之行銷江浙諸省爲大宗曰上江苗山外黔湘接壤諸山所產也土人羨苗木之利取杉實布種越歲移植畧如吾鄂栽松之法其秧初移多萎於地越日而蘇故近根際必有微彎惟培植得法長直停勻者甚多其最佳者足以亂苗木但節微密皮色灰白解之心無紅色爲異湖南諸商帮所售之木以此爲最曰洲木湖南衡湘諸山所產也土性肥沃木生最速其長直亞於上江佳者亦足

以亂上江但木質鬆疎皮色慘白爲異曰中路湖南洪江左右諸山所產也皮色亦慘白屈曲多不中繩墨下粗上細長短多不如程節尤密但其質頗堅擇其佳者購之亦能適用曰東湖土人謂之白沙條子又曰東華木洞庭左近諸山所產也沙土所生木質輕疎構室製器均不適用此木鸚鵡洲最少惟集於洲之對岸吾鄂人罕用之大約轉販於他處不能詳也惟其木瘦長而直此次採作廣竿之用選購四百餘株此辨產地之法也各路產木中亦有優劣商人第其等差分爲四類曰正木正木者依尺碼之大小規一定之

長率其木通身完全無缺者也曰次木次木者依正木之率短止以寸計者也曰脚木脚木者依正木之率短以尺計者也曰椿筒椿筒者正脚木中之斷頭尾者也各等木中又有所謂木病者曰天空木上截被雨淋成竅而空者也曰地空木根際空者也曰大彎木之甚曲者也曰小彎木之微曲者也曰撇槽伐木時劈破其根際者也曰泡傷貼地久而皮爛者也此辨貨色之法也產地貨色既明而又必時其需要供給之多寡以定價碼之上下大約苗木每碼一兩之價常高於上江木價銀四兩以上上江木價

常高於中路木價二兩以上脚木視正木價七折椿筒視其長短爲衡無定率又木圍自一尺至尺二半爲小分尺二半至尺五半爲大分尺五半至尺八半爲小錢尺八半至二尺二寸爲中錢過此則爲大錢大約分碼小錢便於造屋之用故價常高中錢造屋嫌大製器嫌小故價常低若大錢以上至兩碼則又爲富貴家用品笨重不便運來洲上存貨常少故價極昂此議價之大標準也議價既定買賣客及行戶同坐大廳中不許有交頭接耳及作手勢之事三面訂立合同各執一紙名曰交單交單內必注明

字號某處河下第幾排或某處坡上共幾籠某路某種木每兩碼價銀若干依灘例盡竿圍訖明圍明讓每百株聽刷去若干株及交期有無扣現等字樣如一有疎漏將來圍尺時彼卽止服從交單而不服從灘例此成交應注意之手續也圍木之尺以篾爲之其分寸以漆墨爲線視工部營造尺九八細如線薄如紙謂之正灘絲篾然洲上常用之尺有十等其暗號曰由中人工大王主井羊非視其字之出頭爲數例如由字出一頭爲九一非字出十頭爲十足而十等尺中又有厚篾薄篾之分以厚篾占地較薄

篋多也此尺圍量手自製備用臨時買賣及行戶均各持一同量板尺取其篋比對無異方准用之如或圍若干株而篋忽斷易一篋必又比之防其作弊此尺之宜注意者也圍量手者洲人有此專門職業以備買客雇用其技藝最嫻熟其規矩亦謹嚴但其作弊亦最大圍木之部署圍量手一人執伍尺一人此二人於前所謂木病者極爲嫻熟看頭尾各一人此二人專司看木病之職號紅碼一人號墨碼一人各執筆聽圍量手之報而書其尺寸數於木身蓋斧印行與買客各一人此二人司行客斧記聽號木之令而蓋斧印於木身買賣客與行戶各派記號碼一人聽圍量手之口報而各記其尺寸於紙單定例木有病者須讓篋卽交單所注之明圍明讓是也小病讓半寸大病讓一寸有一木而數病者輒讓數寸但圍量手口手俱極敏捷買客畧不經意卽隨手放過一經蓋斧印書號碼則例不覆尺洲例應讓而不讓買客得詰問圍量手之理由不應讓而讓賣客亦如之如不能陳出理由得隨時撤換之然買客常不如賣客之嫻習故買客常吃虧耳旣圍之後買賣及行戶各將碼單依規則合成碼數三面互對無